



# O'ZBEKISTON RESPUBLIKASI DAVLAT SOLIQ QO'MITASI

ГОСУДАРСТВЕННЫЙ НАЛОГОВЫЙ  
КОМИТЕТ РЕСПУБЛИКИ УЗБЕКИСТАН

STATE TAXATION COMMITTEE OF THE  
REPUBLIC OF UZBEKISTAN

100011, Toshkent shahri, Abdulla Qodiriy ko'chasi, 13A uy. Tel.: 71 244-97-16, Faks: 71 244-89-12, www.soliq.uz

## BUYRUQ

2020 yil «08 08» 198 son

Давлат солиқ хизмати органлари  
раҳбар ва масъул ходимларини  
топшириқлар ижроси учун  
шахсий масъулиятини ошириш  
тўғрисида

Солиқ маъмурчилигини таъминлашга қаратилган қонун ҳужжатларида белгиланган меъёрлар, Ўзбекистон Республикаси Президенти ва Ҳукумати томонидан давлат солиқ хизмати органларига юклатилган вазифалар ҳамда Давлат солиқ қўмитаси Раисининг топшириқларини белгиланган муддатларда ва сифатли бажарилишини таъминлаш юзасидан давлат солиқ хизмати органларининг барча бўғинларидаги раҳбар ва масъул ходимларининг топшириқ ижроси учун шахсий жавобгарлигини ошириш мақсадида 2020 йил 3 августдан бошлаб қуйидаги тартиб ўрнатилсин:

1. Давлат солиқ қўмитаси марказий аппарати таркибий тузилмалари бошлиқлари (ходимлари), ҳудудий давлат солиқ хизмати органлари бошлиқлари, уларнинг ўринбосарлари зиммасига юклатилган вазифалар муддатида бажарилмаган ёки сифатсиз бажарилган тақдирда, бундай ҳолатга:

биринчи марта йўл қўйилганда – ҳар ой якуни билан моддий рағбатлантириш ҳисобидан тўланадиган устамадан маҳрум этилади;

бир ой давомида иккинчи марта йўл қўйилганда - интизомий жавобгарликка тортилади;

интизомий жазо чораси қўлланилгандан кейин такроран йўл қўйилганда - навбатдаги интизомий чораси қўлланилиши билан биргаликда белгиланган тартибда ходимнинг махсус унвои бир даражага пасайтирилади.

2. Давлат солиқ бошқармаси ёки Давлат солиқ инспекцияси бошлиғига интизомий жазо қўлланилган тақдирда, ушбу жазо чораси амалда бўлган даврда уларнинг ўринбосарларига моддий рағбатлантириш ҳисобидан тўланадиган устама ҳисобланмайди.

02007-ют  
04.08.2020

3. Мазкур буйруқнинг 1-бандида қайд этилган чоралар Давлат солиқ қўмитаси Раисининг кўрсатмаси ёки Раис ўринбосарларининг таклифлари асосида **Давлат солиқ қўмитаси Раисининг буйруғи** асосида қўлланилади.

4. **Ташкилий ишлар ва назорат бошқармаси (Э.Жўраев)** бир кун муддатда мазкур буйруқни қўмита марказий аппаратининг таркибий тузилмалари ва ҳудудий давлат солиқ хизмати органларининг раҳбарлари эътиборига етказилишини таъминласин.

5. Мазкур буйруқнинг ижросини назорат қилиш қўмита раисининг ўринбосарлари зиммасига юклансин.

Раис



Ш. Кудбиев